



A Asociación Olimpíada Española de Biología (OEB) e o Colexio Oficial de Biólogos de Galicia (COBGA) convocan a XIX Olimpíada de Biología (Fase Autonómica Galega) baixo o patrocinio de:

- A Consellería de Cultura, Educación, Formación Profesional e Universidades
- A Facultade de Biología da Universidade de Vigo
- A Facultade de Ciencias da Universidade da Coruña
- A Facultade de Biología da Universidade de Santiago de Compostela
- A Dirección do Grupo de Traballo de Biología da ABAU (CIUG)
- A Inspección de Educación da Xunta de Galicia

As bases aparecen a continuación.

## BASES

### 1. PARTICIPANTES

1.1.- Poderá participar todo o alumnado matriculado en 2º curso de Bacharelato durante o curso 2023-2024, en centros de educativos de Galicia de calquera titularidade, e que sexan seleccionados segundo os criterios indicados nestas bases.

### 2. INSCRICIÓN

- Requisitos e procedemento para poder participar:

- Cumprir os requisitos indicados no punto 1.1.
- Nº máximo de participantes por centro: NON hai límite de participantes para a fase previa.
- Nº máximo de estudantes para a fase presencial en Vigo: 80.
- Cumprimentar integramente o Formulario de Inscripción que atoparán nas páxinas web <http://olimpiadadebiologia.edu.es/la-competicion/fase-autonomica/galicia/>, [http://www.biologosdegalicia.org/olimpiada\\_biologia.html](http://www.biologosdegalicia.org/olimpiada_biologia.html)

**Prazo de inscrición**

**entre o luns 13 de novembro e o venres 22 de decembro de 2023**

As consultas relacionadas coa inscrición deberán dirixirse a:

[olimpiadabiologia@biologosdegalicia.org](mailto:olimpiadabiologia@biologosdegalicia.org)

### 3. PRIMEIRA FASE DA OLIMPIADA

#### 3.1.- Desenvolvemento

A primeira fase, chamada Olimpiada Autonómica ou Fase Local, da XIX Olimpiada *Española de Biología*, constará de dúas subfases:

- **Fase previa telemática**, o **venres 2 de febreiro de 2024 (de 12:00 a 14:00 horas)**, que consistirá na resolución dunha proba teórica de opción múltiple, con catro respostas posibles, onde unha só é correcta, dos contidos de Biología da ESO, de 1º de Bacharelato; e de 2º de Bacharelato referidos ao primeiro bloque do programa oficial: A Base Molecular e Físicoquímica da Vida. A proba deberá realizarse nas instalacións do centro educativo, supervisado por persoal docente e sen ningún tipo de material de apoio, nin posibilidade de consultas na rede, salvo unha calculadora non programable. O director ou a directora do centro deberá certificar que a proba tense feito conforme as indicacións destas bases. É imprescindible a visibilidade da aula mediante webcam. A esta fase pódese presentar todo o alumnado de 2º de Bacharelato de cada centro.
- Coma resultado desta fase telemática seleccionaranse 80 alumnos/as que pasarán á fase presencial na UVIGO. Para procurar a excelencia e, ao mesmo tempo a representatividade de todas as bisbarras de Galicia, pasará á seguinte fase o alumno ou alumna con mellores resultados na proba telemática de cada centro, sempre que iguale ou supere a cualificación media dos resultados obtidos por todos os e as participantes que o número de participantes establecido pola Facultade o permita. O resto das prazas asignaranse estritamente polos resultados obtidos na proba telemática, ata chegar a 80, independentemente do centro.
- En caso de empate, terase en conta as cualificacións presentadas polo centro na inscrición: en primeiro lugar, a cualificación de Biología, Xeoloxía e Ciencias Ambientais de 1º de Bacharelato e, de persistir o empate, coa cualificación media de 1º de Bacharelato. Se continúa o empate, terá preferencia o alumnado matriculado na materia de Biología en 2º curso de Bacharelato. No caso do alumnado que realizase o curso previo no estranxeiro, o centro deberá presentar o documento coa conversión das cualificacións segundo as equivalencias vixentes. Haberá unha lista de substitución para o caso de ausencias.
- **Fase presencial**, o **venres, 23 de febreiro de 2024, na Facultade de Biología da Universidade de Vigo** para os/as 80 alumnos/as clasificados/as na fase previa. Esta fase presencial consistirá nunha proba teórica similar á da fase previa e unha parte práctica. Excepcionalmente poderán modificarse as datas ou a sede, se as circunstancias particulares así o aconsellan.

O alumnado inscrito que sexa seleccionado nas distintas fases será informado do proceso por comunicación da OEB co docente, **a través de correo electrónico e a partir do día 12 de xaneiro de 2024**. Para a proba da fase previa, o alumnado a recibirá a información no seu propio correo electrónico, que terá que ser persoal.

**Fase autonómica Galega 2023**

Nas dúas fases unicamente se permitirá o uso de utensilios de escritura e, no seu caso, de calculadoras non programables. En particular, non estará permitido, libros, manuais, apuntes, táboas, dispositivos electrónicos ou outros documentos distintos aos que proporcione ou permita o tribunal.

A OEB espera de todos/as os/as participantes a máxima honradez na realización das probas.

**3.2.- Tribunal da primeira fase**

O Tribunal formado polos delegados e delegadas da OEB en Galicia cualificará os exercicios e propondrá os gañadores da primeira fase. O fallo do Tribunal será inapelable.

**3.3.-Premios da primeira fase**

Aos cualificados nos tres primeiros lugares corresponderalles representar á Comunidade Autónoma de Galicia na Fase Nacional, que se celebrará en Valencia (en datas por determinar). Os/as alumnos/as clasificados/as do 4º ao 6º posto substituirán aos primeiros en caso de non poder participar na nacional.

O Comité Organizador da primeira fase poderá engadir aos premios antes mencionados cantos considere oportunos en función das súas dispoñibilidades.

A Consellería de Cultura, Educación, Formación Profesional e Universidades ofrece aos gañadores das fase nacional a exención dos prezos por servizos académicos, por unha soa vez, no primeiro curso de ensinanza de grao. Por outra banda as tres universidade galegas ofrecen premios en metálico aos gañadores e gañadoras das fases locais e nacionais.

Segundo o Convenio de 31 de marzo 2022, asinado coa Consellería de Cultura, Educación, Formación Profesional e Universidades, o persoal docente que presenta ao alumnado á Olimpiada verá recoñecida a súa participación nas distintas fases como actividades de innovación educativa cunha certificación de 15 horas para a fase galega (só con participar na fase telemática) e 25 horas para a fase nacional.

**4. SEGUNDA FASE DA OLIMPIADA****4.1.- Desenvolvemento**

A fase nacional da *XIX Olimpiada Española de Biología*, ten previsto a súa celebración en Valencia (en datas por determinar).

Nela participarán os gañadores e gañadoras da primeira fase das comunidades autónomas e das cidades autónomas de Ceuta e Melilla. Consistirá nunha parte teórica e outra práctica, dos contidos de Biología incluídos nos programas de Biología ata 2º de Bacharelato. Pode consultarse a información na dirección <http://olimpiadadebiologia.edu.es/la-competicion/fase-nacional/>

**Fase autonómica Galega 2023****4.2.- Tribunal da Segunda Fase**

A proposta das cuestións para a proba teórica será realizada polo *Comité Académico nomeado pola Xunta Directiva*. Estas preguntas serán de opción múltiple, dunha soa resposta correcta. Para a cualificación da parte práctica constituirase un Tribunal formado polo *Comité Académico da OEB*.

Este Tribunal realizará unha clasificación do alumnado participante, de acordo cos criterios de cualificación e desempate establecidos pola Comisión da *XIX Olimpiada de la OEB*. A decisión do tribunal será inapelable.

**4.3.- Premios da Segunda Fase**

Nesta segunda fase entregaranse os seguintes premios:

- **Diploma** a todos os finalistas.
- **Diploma** aos 4 primeiros clasificados e participación na *Olimpiada Internacional de Biología (IBO)*, e aos 4 seguintes a participación na *Olimpiada Iberoamericana de Biología (OIAB)*, representando a España nos dous casos.
- alumnado **clasificados en 9º e 10º** lugar recibirán unha mención de honra e serán suplentes dos anteriores.
- A OEB poderá xestionar a **estancia** do alumnado participante nun centro de investigación do CSIC.

O Comité Organizador da segunda fase poderá engadir aos premios antes mencionados cantos considere oportunos en función das súas dispoñibilidades.

**5. OLIMPIADAS INTERNACIONAL E IBEROAMERICANA****6.**

Os 4 primeiros alumnos/as con nacionalidade española gañadores na Fase Nacional formarán parte do Equipo Olímpico de España na *XXXV Olimpiada Internacional de Biología 2024-IBO 2024 (Astana-Kazakhstan, xullo de 2024)*. Os 4 seguintes farano na *XVI Olimpiada Iberoamericana de Biología 2024-OIAB 2024 (Cuba, setembro de 2024)*. Os alumnos e as alumnas españois clasificados a continuación terán o carácter de suplentes.

A *Comisión de Olimpiadas*, tendo en conta a información recadada durante as sesións de preparación e de acordo a criterios obxectivos, poderá decidir a substitución de membros do Equipo Olímpico de España por suplentes. Os posibles compoñentes do Equipo Olímpico de España nas competicións de carácter internacional adquiren a obriga de participar con aproveitamento nas sesións de preparación que organice a *Comisión de Olimpiadas de la OEB*. A falta inustificada de participación nas sesións de preparación pode ser motivo de exclusión do Equipo Olímpico.

## **7. DECISIONS DOS TRIBUNALS**

As decisións dos Tribunais, tanto da primeira como da segunda fase da *XIX Olimpíada Española de Bioloxía*, así como os acordos adoptados pola *Comisión de Olimpíadas de la OEB* concernentes a este concurso, son inapelables.

Excepcionalmente, os premios poderán quedar desertos.

A percepción dos premios queda suxeita ao cumprimento da normativa vixente.

## **8. COMPROMISOS DOS E DAS PARTICIPANTES**

- Participar con espírito olímpico de superación e respecto ás normas.
- Asumir a representatividade de Galicia na fase nacional e de España nas fases internacionais.
- En caso de ser seleccionado/a para a fase nacional ou internacionais, de producirse un acontecemento imprevisto posterior a aceptación que impida continuar na competición, comunicalo de xeito urxente para poder realizar a substitución.
- Os/as seleccionados/as e gañadores/as comprométense a atender á prensa durante as diferentes fases da olimpíada.

## **8. ACEPTACIÓN**

A participación en calquera das Fases da *Olimpíada Española de Bioloxía* supón a aceptación das bases.